

Fundargerð
361. fundar framkvæmdastjórnar Sjúkraliðafélags Íslands,
haldinn 28. nóvember 2018, kl. 16.20 að Grensásvegi 16.

Fundinn sátu:

Sandra B Franks, formaður
Kristín Ólafsdóttir, varaformaður
Jóhanna Traustadóttir, ritari
Jóna Jóhanna Sveinsdóttir, gjaldkeri

Fundarritun:

Gunnar Örn Gunnarsson, framkvæmdastjóri SLFÍ

Dagskrá

1. Fundur settur
2. Fundargerð síðasta fundar
3. Staðan á uppfærslu stofnanasamninga
 - HSA – beiðni um gögn
 - HSU – lokið
 - Sólvangur – lokið
4. Orlofsmál, íbúðin að Jaðarleiti 2
5. Evrópudagur sjúkraliða 26. nóvember
6. Átaksverkefnið, ímynd sjúkraliða
7. Stjórnandi ársins – skilafrestur er til 30. nóvember
8. Starfslokánámskeið, stefnt á að Framvegis haldi
9. Lögfræðileg málefni
 - Mál í vinnslu
 - Hýrudráttardómurinn/ljósmæður
 - Verkfallslistar á LSH
 - Starfslok í Orkuhúsinu

Önnur mál

Fundargerð

1. Fundur settur

Sandra B Franks (SBF) formaður Sjúkraliðafélags Íslands (SLFÍ) setti fund og bauð fundarmenn velkomna á fund framkvæmdastjórnar.

2. Fundargerð síðasta fundar

Jóhanna Traustadóttir (JT) ritari SLFÍ gerði grein fyrir að síðasta fundargerð væri samþykkt og komin á netið.

3. Staða á uppfærslu stofnanasamninga

SBF gerði grein fyrir að nú fyrst væri að nást að klára þá stofnanasamninga, sem ákveðið var að nýta pott ársins 2018 í, á stofnunum ríkisins sem gilda frá júní þetta ár.

Stofnanasamningurinn við Samtök fyrirtækja í velferðarþjónustu er í vinnslu og hafa síðustu hugmyndir verið sendar á Gunnar hagfræðing til yfirferðar. Óskað hefur verið eftir gögnum frá HSA um launaröðun sjúkraliða hjá stofnuninni. Gögn hafa enn ekki fengist þrátt fyrir ítrekaðar óskir þar um. Áfram verður unnið með málið.

4. Orlofsmál – íbúðin að Jaðarleiti 2

GÖG fór yfir að búið væri að kaupa mest allt inn í íbúðina að Jaðarleiti og verið væri að setja saman húsgögn og gera íbúðina klára til útleigu. Stefnt er að útleigu um miðjan desember og verður það nánar auglýst á heimasíðu félagsins hvenær opnað verður.

5. Evrópudagur sjúkraliða 26. nóvember

SBF fór yfir að Evrópudagurinn hefði víða um land verið haldinn hátíðlegur hjá sjúkraliðum, þ.s. sjúkraliðar minntu á mikilvægi stéttarinnar og buðu samstarfs- og heimilisfólki upp á veitingar. Mikil umræða var um hvernig dagurinn væri undirbúinn og skipulagður.

6. Átaksverkefni – ímynd sjúkraliða.

SBF gerði grein fyrir að búið væri að finna fimm sjúkraliða sem taka þátt í myndböndum og verið er að finna 10 til 12 sjúkraliða til að ljósmynda og kynna með örtexa og er lagt til að þeir komi héðan og þaðan af landinu og úr mismunandi störfum. Myndatökur hefjast fljótlega.

7. Fyrirmyndarstjórnandinn 2018

Rætt var um að búið er að senda út hvatningu til allra trúnaðarmanna um að hvetja sjúkraliða/trúnaðarmenn til að senda inn tilnefningu á fyrirmyndarstjórnandanum þetta árið, með góðum rökstuðningi. Hvatningin hefur verið ítrekuð og lokað verður fyrir mögulegar ábendingar um komandi mánaðamót. Niðurstaðan verður kynnt í desemberblaðinu.

8. Starfslokanámskeið

SBF fór yfir að kannað hafi verið hvort BSRB yrði með starfslokanámskeið á næstunni, en það stendur ekki til. Ákveðið hefur verið að ræða við stjórnendur Framvegis um að vera með starfslokanámskeið fyrir sjúkraliða og mun það verða auglýst nánar.

9. Útgáfumál, Sjúkraliðinn, Vaktabókin

GÖG fór yfir að blaðið sé komið í prentun, en pláss hafi verið skilið eftir til að fjalla um fyrirmyndarstjórnandann þegar valið liggur fyrir, en annað er að mestu klárt. Vaktabókin verður klár til plöstunar fyrir komandi helgi, 30. nóvember.

10. Lögfræðileg málefni

GÖG og SBF gerðu grein fyrir þeim málum sem eru í vinnslu hjá lögmanni félagsins. Fundur verður 6. desember með fulltrúa SFR og lögmanninum þ.s. fara á yfir hvað félögin ætla að gera í ljósi niðurstöðu Hæstaréttar í máli ljósmæðra gegn íslenska ríkinu vegna hýrudráttar að loknu verkfalli þeirra.

Dómurinn dæmdi hýrudráttinn ólögmetan og það liggur fyrir að bæði sjúkraliðar og félagsmenn SFR voru hýrudregnir þrátt fyrir vinnuframlag í verkfalli eins og ljósmæður. Ákveðið var að SLFÍ muni fela lögmanni að fylgja þeirri kröfu eftir að

hýrudrættinum verði skilað til baka til þeirra sjúkraliða sem urðu fyrir tekjuskerðingu.

Stefna fyrir Félagsdóm vegna verkfallslista LSH á síðasta ári mun verða klár í þessari viku og þá verður farið með málið áfram.

Lögmaður félagsins hefur aðstoðað okkur við gerð og vinnslu starfslokasamnings fyrir sjúkraliða sem starfað hefur í Orkuhúsinu í áratugi, en hefur vegna raka/myglu ekki getað stundað vinnu vegna afleiddra veikinda. Óska var eftir aðstoð lögmanns þ.s. fyrir liggur að starfslokasamningurinn sem boðinn var upphaflega var mjög ósanngjarn og ekki neinum takti við réttindi og kjör sjúkraliða.

Önnur mál

- Farið var yfir vinnuna við bókun 8, sem er í ferli.
- JJS fór yfir að innan ákveðinna sviða velferðasviðs Reykjavíkurborg fái sjúkraliðar ekki að starfa sem sjúkraliðar o.þ.a.l. ekki að vera í félaginu. Ákveðið að ræða málið í samstarfsnefnd aðila.

Fundi slitið kl. 17.25